

痘科金鏡彙參



詳註足本金鏡錄圖說卷三

遊蛋


是痘貫珠成條其形如蛋故名遊蛋
有稀密有長短身上者症輕頭面多
者重身上短而稀所見無多者輕長
而密更繁多者重重則必攻令鬆透
如一赤荳莢其痘方起

燕窩

是痘攢簇累累象似燕窩而名者也
單見尚重見而不一者不治急攻之
務令鬆抬如餅其毒方化以油胭脂
調入化毒丹用綿紙攤貼更佐以猪
尾膏大桑蟲

疊錢


是痘圓圓攢簇絕不成點錢許之
故名之也僅見二三者輕多見者重
重則必攻亦以藥胭脂膏封貼更和
猪尾膏大桑蟲于劑內透之令毒如
蒸餅其毒方透



雁行

雁行者狀如遊蛋但曲而甚長且排
行而若雁字也單見者亦重不一者
更重達攻之鬆若遊蛋而毒化矣

鼠跡



是痘或四五粒或六七粒相簇如鼠跡故以是名無多者輕見子周身者重重則必攻令相併成泡其毒方鬆劑內調入化毒丹并猪尾膏



蘧沙



蘧沙者其痘扁濶歪斜無頂無盤有細點如沙攢簇于囊宛似蘧沙而名之也可以數記者輕徧及者重重則必攻務令高擡如芡實殼其毒纔化而成漿


珠殼

珠殼者其痘有頂而平四圍貼附
細圈宛如珠殼無多者輕及於周身
者重重者必攻務令圓滿綻尖其毒
乃透



鳥跡

鳥跡者連串三條頭簇脚開其痘若
鳥之跡也單見者輕五六處之重重
者必攻亦如遊蛋鬆透為準



蟹爪

蟹爪者貫珠連串粒細粒尖稍有隱黑絲如髮竟與蟹爪無異無幾者輕繁多者重重者必攻其形統脹成條而毒盡洩矣

蛇皮

叢簇成片散漫無拘形似蛇皮而名之也見此不治或見點之初燈下照之隱隱簇簇細密無倫將形未形之際即便攻之佐以猪尾膏破之不使其成庶可有為




履底

履底者形似蛇皮不若蛇皮散漫有
隨處皆凶其形若小更得早治庶可
有為速以猪尾膏加入攻毒劑內并
大桑蠶透之竅以藥胭脂膏封貼令
得濃水淋漓方能慶生

蟥窩

蟥窩者較疊錢而更大也另別其名
者其形大其毒亦更重也即屈指無
多毒已不淺攻之自不容易佐以大
桑蠶猪尾膏外亦以藥胭脂貼之得
鬆泛平抬方可成膿




螺疔

其毒頭大根尖頂黑形若螺肉深
于肉裡有大小有深淺按其四圍板
硬治法見于餘毒若放點時即見者
最惡先以挑鬆即將應服之藥大
含於口中吮其數次隨用貼法




紫背

癰之形如萍其色似萍之背紫而帶
黯有大目之有手按無形無
幾者便重繁多者莫救急宜攻毒破
癰務令漸淡而退去方可回生必
須早圖




環珠

是痘連串環繞故以是名有臂因錫
阻如圈而聚者于臂稍輕于項對重
即如圈而聚者于臂稍輕于項對重
內阻尤重無因更重非特項臂爲然
頭身亦有之凡見宜攻





覆 釜 兩 截



是痘盤聚于頂巔如釜
 覆故名曰覆釜是毒
 陽位之症也其餘疎
 和潤者以鬆肌通聖散
 用豬尾膏化毒丹治之
 外用用脂膏搽貼與稠
 密大熱者必加大黃令
 膿水腐爛其毒方化鋪
 是痘上與下綿密如鋪
 中段絕無一點鼻毒擁
 于上下氣血阻於中宮
 以致上下隔絕痘之最
 惡者也首尾一以攻毒
 為主尤以豬尾膏地龍
 令氣血疎達要截處得
 散佈透點方可挽回

蒙 頭 纏 腰



是症遠頭貫頂有似兜
 帽故名蒙頭更毒密位
 之首惡也餘更稠密火
 熱者不治治則攻與覆
 釜同法必早圖可挽有
 獨聚于天庭者亦是蒙
 頭餘若疎朗明潤體不
 熾熱者不必用大黃
 腰者腎之候也連串環
 繞于此緣毒伏于腎而
 有此象貫珠之最惡者
 也餘即疎朗不得視為
 美治必以攻得此鬆擡
 統成一圍如豉荳莢方
 不為害否則痘縱可觀
 九朝忽然而悶亂酸澀

北京中医药大学图书馆版权所有
 1661

口 鎖 腮 托



鎖下亦腎經所屬痘瘡
 攢成一一片是為托腮清
 氣為其所阻頭面必不
 能起身更待知痰湧氣
 喘可立而待從來不治
 若見點之初毒勢未成
 治以蒙頭之法治之亦
 可救一二速宜封貼
 雙鎖口者兩角右左
 一粒較旁痘獨大板實
 而無盤者是也此是毒
 壅于脾而有此像口乃
 脾之竅飲食接送之門
 可令毒藏此地乎治法
 輕重與覆釜一轍有運
 串遠于上下唇畔亦是

鎖 項 攢 背



項係水穀之路呼吸出入之門痘瘡連串環繞于此是毒鎖咽喉與托腮無異咽啞水噎皆由此致俱屬不救但得放點之初卽以清金攻毒飲并猪尾膏杜患于將萌容有可起痘攢簇隨地皆凶而可毒發于背便關生死况令此地犯及乎攢而得鬆者以鬆肌透毒散台化毒丹猪尾膏治之外以胭脂膏貼攢而板壯熱如火者必攻須得腐爛方可慶生


囊 腹 攢 胸



腹近五內猶之同室與
他處不同一有變症毒
即入裏捷于反掌但此
此空隙而未得為害
矣未有此聚如囊而得
無恙者也治法攢背同


胸與腹俱逼近臟腑攢
胸猶之囊腹調劑之法
亦與攢背同法

膝 抱 關 呵



呵關當喉攢簇而犯疊
 錢者也若蟾窩則尤重
 矣呵與項皆水穀之路
 呼吸出入之門其害與
 鎖項無異鎖項之害病
 在環遠咄關之害病在
 攢簇治法與鎖項同更
 以脂膏貼
 兩膝攢簇如餅毒聚于
 此漿不能達足脛而致
 虧于一簣餘地無疵更
 無內症止以鬆肌透毒
 散加牛膝合化毒丹治
 之并用脂膏貼更多
 惡象兩症者必攻

鎖 唇 蒙 骹



唇者脾之華脾臟安和
痘不相及更得溫潤不
則攢聚于此有黃熟如
蠟有嘴突如雷有黑硬
燥裂而血逆皆毒攻于
脾象見于唇如無他症
瀉黃散合猪尾膏治之
更壯熱如炮者必攻
痘攢簇于耳後高骨是
謂蒙骹亦腎經伏毒之
一徵也頭面餘處皆稀
止此犯忌以鬆肌透毒
散加立參合化毒丹加
猪尾膏治之外用貼法
更稠密而炮熱者必攻

披肩抱髮



披肩者如其肩而兜聚
也較之于背稀輕然臟
腑真氣所聚之處即鼠
跡蘊沙尚屬可畏而况
攢布成片乎此毒不鬆
真氣固閉上下阻塞治
與攢背同法

髮接太陽臬毒起伏于
此取驗痘症若重髮極
稀疎必此地掀腫如蓮
瓣以及正而腫脹如毯
毒根方透不則此地不
脹即通身光壯毒根猶
伏厥後終敗可令犯忌
于此乎治法與蒙翫同